

胡文忠公遺集

胡文忠公遺集卷三十七

長沙鄭敦謹

湘鄉曾國荃

編輯

彙補簡缺知縣疏

十年閏三月二十九日

竊查宜城縣一缺前請以大挑知縣袁秉亮題署今
於補京山縣一缺 奏案內經部議覆應與宜城縣
籤掣先後是宜城縣補缺之案亦爲部中議駁又遠
安縣一缺前請以大挑知縣宋文觀題署通城縣一
缺前請以候補知縣羅登瀛補授茲準部覆遠安應
用候補通城縣應用大挑遠安議駁尙未具題通城

應令另揀合例之員又鄖西縣一缺前請以候補知縣沈兆元補授亦奉部議駁各在案臣等查例載升調所遺缺出用各項候補一人委用一人本班前先用大挑一人本班大挑一人等語湖北升調遺缺前案已聲明補黃安縣起照例輪補奉部覆準今宜城縣係梁照調繁京山縣係裘紹箕調繁各遺缺均應歸咸豐八年十二月分截缺現經臣等公同籤掣宜城第一京山第二已造冊咨部是宜城應照例用委用查委用在先之文桂起復未準其次之余思訓年三十九歲湖南長沙縣人由附生中式道光二十三

年癸卯科舉人揀選知縣赴部投供咸豐四年湖北奏請揀發經吏部帶領引 見奉 旨著發往

湖北差遣委用欽此三月初九日領照起程十月初二日到省該員才具明敏以之題署宜城縣缺與例相符京山例用大挑茲查有大挑知縣袁秉亮年四十八歲江蘇武進縣人由附生中式道光二十四年甲辰 恩科舉人咸豐三年癸丑科會試後大挑一等引 見奉 旨著照例以知縣籤掣各省試用欽此經東部籤掣分發湖北遵例在籍候咨四年十二月奉 欽差大臣向榮札委辦理本省捐

釐事務六年五月差竣七年五月十一日到省該員
辦事樸實以之題署京山縣缺與例相符又遠安縣
一缺前任樊丙南病故應歸八年九月分截缺通城
縣前任袁奉仁病故應歸九年二月分截缺查例載
病故缺出一缺題補各項候補之員一缺題補本班
前先用大挑舉人一缺題補大挑舉人等語湖北病
故之缺前經部臣指明松滋縣缺以大挑之員請補
續出穀城縣黎椿病故遺缺亦經部準以卽用進士
陳五典 奏補指明仍積候補班之缺則遠安一缺
應用大挑前无無人應用本班查甲辰科大挑知縣

胡復初截缺之時試用未滿癸丑科大挑知縣應鑒
階因署松枝縣任內勘災錯誤經前藩司羅遵殿詳
請議懲叩補缺一次茲查有其次到省之大挑知縣
宋文觀年四十七歲四川納谿縣人由廩生中式道
光二十三年本省鄉試舉人咸豐三年癸丑科大挑
一等引 見以知縣籤掣湖南改掣湖北旋丁父
憂六年十二月服滿請咨來楚七年閏五月二十日
到省試用已滿甄別以知縣畱省該員器識安詳以
之題署遠安縣缺可期勝任通城縣應用候補查候
補軍功人員例得酌量補用茲查有候補知縣汪維

誠年六十歲安徽宿松縣人道光辛卯 恩科舉

人甲辰科大挑二等選授青陽縣訓導辦理團練調

入軍營隨同勦賊咸豐八年克復黃安麻城案內奉

上諭以知縣畱於湖北遇缺卽補賞加同知銜

欽此十一月二十五日到省該員篤厚精明以之請

補通城縣缺可期勝任惟該員不由引 見到省

與例稍有不符又鄖西縣本任葛致遠丁憂歸九年

正月分截缺查例載知縣丁憂缺出辦理軍務出力

欽奉 特旨先儘補用人員準該督撫卽畱題補

等語茲查有補用知縣程光第年三十八歲河南光

山縣監生遵籌餉例報捐縣丞指省分發湖北試用
咸豐六年六月十一日到省襄陽城守出力保奏
咸豐七年四月二十七日奉旨著免補本班以

知縣畱於湖北補用欽此該員勤樸幹練以之補授
鄖西縣缺可期勝任惟該員升知縣後尙未引

見與例稍有未符湖北連年軍務積缺經數次清理
甫得推定輪序而輪序之中尤必爲地擇人不厭詳
慎誠以地方當凋敝之後較尋常無事時求治更難
宜城京山遠安通城鄖西數缺或幅幘遼闊培元氣
於兵燹之餘或地處山陬整團防於瘠苦之後從前

反覆擬員不敢以察看未真者率行請補今部臣往
返駁詰自應以員缺照例輪推惟軍務需才時有

奏明畱用之員而知縣一途照例必引

見到省

方準補缺則仍有與例不合之處伏惟

聖主量

才器使必求人地之宜

臣

等按缺補員尤重循良之

選自應據實陳明改題具奏據藩司莊受祺臬司嚴
樹森會詳前來合無仰懇

聖恩俯準將宜城縣

缺以委用知縣余思訓題署京山縣缺以大挑知縣
袁秉亮題署遠安縣缺以大挑知縣宋文觀題署通
城縣缺以候補知縣汪維誠補授鄖西縣缺以補用

知縣程光第補授汪維誠程光第均俟軍務告竣再
行送部引 見謹將彙補簡缺知縣改題爲奏緣
由合詞恭摺具 奏

硃批吏部議奏欽此

奏陳湖北餉糈久匱鄰餉萬難籌撥疏 四月十

五日

竊閏三月二十四日欽奉 上諭據海瑛奏田興

恕現督大隊分路進兵月需餉銀十二萬兩請飭湖
南湖北等省按月各協濟數萬兩等語湖北現在分
兵入皖湖南亦派兵援川援粵餉需未能充裕恐難

籌此巨款著官文胡林翼駱秉章酌量情形不必限定數目按月設法籌撥由湖南轉解等因欽此又四月初一日接準戶部咨開議覆副都御史張芾請撥甯防軍餉一案經戶部奏請擬於湖北歷年徵存折漕項下按月協濟銀五萬兩專解甯國以備軍儲俟浙江軍務肅清卽行停解奉 旨依議欽此查湖

北僅自七八兩年辦理折漕均係提前徵解埽數應付江皖水陸各軍並無庫儲存積九年分漕折項下因去冬援賊數十萬并力上犯其時軍餉積欠已逾百萬兩委員四出勒限守提儘解皖北軍營埽數無

存查湖北額徵錢漕歲入不敷所出道光年間每年
奏請部撥鄰餉三十萬兩湊供年額兵餉成案可
稽若江西江蘇浙江山西河南等省額賦則三倍五
倍於湖北矣以彫殘未復之瘠區供潯皖水陸數萬
之兵食本屬萬分支絀咸豐六年克復武漢以來如
滿綠各營兵餉僅支三成五成文武養廉大半停支
實以皖氛未靖不得不竭全楚之財賦力圖埽蕩近
因四川土匪竊發而鹽釐之來路已阻自浙江河南
迭次戒嚴而百貨之銷路又滯前於咸豐九年十二
月十年正月因餉竭兵疲兩次奏請四川陝西山西

江西浙江月解鄂餉欽奉

恩旨飭催五月之久

僅準陝西撫

臣譚廷襄

解到餉銀二萬其四川應解

之餉則已撥付援蜀之蕭啟江一軍本年皖軍餓

岌及不支之時復函商湖南撫

臣

酌借餉需嗣準咨

開湖南欠餉積至五十萬兩移緩就急撥銀二萬以

應鄂省之急需是湖南固非有餘湖北更形不足誠

如

聖諭湖北分兵入皖湖南援川援粵餉需未

能充裕恐難籌此巨款等因欽此竭蹶情形已荷

聖明洞鑒現在楚省水陸各軍逼近安慶桐城本

年二月分餉項尙未全清卽月解會國藩餉銀三萬

兩亦均拖欠查多隆阿楊載福李續宜彭玉麟之兵
勇歷年血戰所向有功其積欠口糧數月而不譁者
兵額無虛放餉必實也臣等每接各營索餉之文輒
至寢食俱廢所有海瑛奏請黔餉張芾奏請甯國兵
餉正值鄂軍征皖餉竭難支實屬無從籌解又查浙
江告急之時臣等籌撥訓營三千人楊載福等又添
籌韋志俊等三千二百人經張芾奏畱皖南旋復撥
援常州鎮江當皖南起程之時先由鄂省設法湊措
發給口糧銀一萬七千六百餘兩楊載福彭玉麟因
援師緊急深入賊巢非裹帶行糧難期得力當於水

師口糧內設法挪借餉項俾速師行而作士氣臣等
於鄰省軍務但使力能兼籌斷無畛域之分應請將
楊載福彭玉麟借墊銀兩按數截清另行籌補卽準
作爲協濟皖南餉項由臣等專案咨明無庸皖南浙
江籌還合併陳明所有現在鄂省餉糈久匱漕折無
存萬難籌撥情形謹據實覆 奏伏乞 皇上聖
鑒敕下部 臣查覈施行

敬舉賢才力圖補救疏 五月初三日

臣聞戡亂必在仁賢理財必先政事古今無不平之
賊而在先求平賊之人蕭何薦韓信卽拜大將一軍

皆驚光武憤坐迎見馬援恢廓大度坦然不疑是蓋深知非常之才不可以拘牽資格修飾邊幅爲用也

臣查前任江西廣饒九南道沈葆楨識畧冠時才堪濟變其在廣信府城賊眾數萬颺忽烏集軍民震駭巷無居人其形勢較本年蘇常賊氛更爲危迫沈葆楨登陴設守效死不去遂以集援兵而完境土咸豐九年與長官不諧乞假歸養奉身而退至今廣信士民望如慈父母臣與沈葆楨未曾識面官聲所播知爲奇才又按察使銜浙江記名道李元度血誠果毅志節清嚴咸豐五年六年七年八年在江西勸捐練

勇轉戰建昌廣信二府完守貴溪弋陽玉山廣豐四縣危城以數千飢疲之卒當石逆數十萬之賊軍無半菽手無寸柄惟以激勵忠義保全城池江西浙江軍民至今爭之以上二員如蒙 皇上天恩畀以封疆藩臬之任責金籌兵籌餉必有守正不阿之節應變無窮之畧斷不至貽誤民生棄城苟活以爲

國家之羞辱又湖南在籍四品卿銜兵部郎中左宗棠精熟方輿曉暢兵畧在湖南贊助軍事遂以克復江西貴州廣西各府州縣之地名滿天下謗亦隨之其剛直激烈誠不免汲黯太慤寬饒少和之譏要其

籌兵籌餉專精殫思過或可宥心固無他臣與左宗棠同學又兼姻親咸豐六年曾經附片保奏其在湖南情形久在聖明洞鑒之中又湖南同知銜候

選知縣劉蓉會同羅澤南李續賓等帶勇立功學有本原志期遠大膽識恩威能結士心而寄軍政臣於咸豐六年奏調入營奉旨俞允至今高臥故山不肖輕試以上三員應請天恩酌量器使并請

旨飭下湖南撫臣令其速在湖南募勇各六千人以救江西浙江皖南之疆土必能補救於萬一又臣訪聞告病編修劉熙載貞介絕俗學冠時人現任

順天府府丞毛昶熙品節謹飭畱心吏治降調御史
薛鳴臯德望清峻操守第一可否 特恩簡用伏

乞

聖裁又訪聞降調御史尹耕雲胸有權畧戶

部郎中楊寶臣堅忍耐苦吏部主事梅啟照任勞任
怨刑部主事范泰亨才識過人河南知縣田玉梅膽
畧任戰以上共八員 臣胡林翼均未曾識面亦無文
字往來訪聞既確據實附陳以備 聖明採擇夫

用人行政

朝廷自有大權舉爾所知芻蕘不嫌下

問 臣力疾從軍不敢自逸惟恐先犬馬填溝壑若目
覩時局艱危避忌模稜知而不言負 恩實大至

現任湖北藩司嚴樹森綜理精密才勝吏事湖北安
襄鄖荆道毛鴻賓好善嫉惡秉心公正總辦湖北營
務兼管糧臺之戶部員外郎閻敬銘綜核名實居心
正大總理營務湖北記名道邢高魁樸誠質直遇事
求實臣前已隨案保奏均堪備異日任使惟湖北籌
兵籌餉急切需才臣應舉其姓名而不可遽求
恩澤臣爲疆事孔棘急圖補救起見應如何破格錄
用因材器使之處臣不敢擅請均求出自 聖裁
謹據實恭摺陳 奏

上諭前因江南逆醜鴟張蘇常失守特命曾國藩署理兩

江總督弁疊次諭令統帶各軍兼程前進矣本日據曾國藩奏統籌全局並辦理大概情形又據胡林翼奏敬舉賢才力圖補救並瀝陳四川軍情各摺片覽奏均悉曾國藩現在進兵安慶已薄城下驟難撤動而蘇常一帶望援孔亟亦須帶兵過江先固人心所稱平江南之賊必踞上游之勢現擬駐紮徽池境內分兵三路一由池州進規蕪湖一由祁門至旌太進圖溧陽一分防廣信玉山以至衢州並聞賊欲分竄江西湖北須俟湖南協防江西兵勇布置妥協約須八月方能進剿各情通籌全局甚合機宜卽著照所擬辦理至四川軍務關繫

緊要本日據胡林翼陳奏各情業經降旨令東純兼程前往署理四川總督並令暫時接辦軍務曹澍鍾已令回籍終制矣該撫所保之左宗棠一員前已有旨賞給四品京堂令其襄辦會國藩軍務若令督辦川省軍務能否獨當一面於大局有無裨益卽著安速籌商如可勝任卽一面令該員迅赴川省一面奏聞再降諭旨其沈葆楨一員已諭慶端等飭令前赴江西俟李元度募勇到時卽可駐防一處劉蓉一員並諭知駱秉章飭令募勇六千前赴江浙皖南等省張運蘭一軍已令迅速前往該員等到後卽著會國藩胡林翼分別差委調遣

再本日據曾望顏奏蕭啟江在四川省城病故其所部全軍請迅由楚省揀選得力大員兼程來川以資統帶除蕭啟江業經降旨追贈巡撫銜照軍營病故例優卹外其所部全軍卽著官文等於湖南湖北兩省中揀派得力大員迅速馳往四川接續管帶以資攻剿將此由六百里加緊各諭令知之欽此 五月十一日奉

奏陳江浙軍務並穎亳捻匪隱憂方大疏 五月

初三日

竊自蘇常失陷大局瓦解東南財賦之區倉儲根本所繫督臣撫臣駐守之地不能爲一日之守凡有血

氣莫不憂傷我

皇上簡命督臣曾國藩視師江

表人望所歸軍威自振倘能假以便宜期以歲月厚
集兵餉當可成功惟是曾國藩僅止勇丁萬餘人近
年江南江北皖南皖北之賊不下數十萬人金陵之
兵數十萬一旦潰決前車可鑒曾國藩渡江須兵四
路一出廣信顧浙江一出祁門趨徽州一循江岸出
池州每路須一二萬人乃能戰守兼資又須另備一
路畱鎮祁門等處作後防而通餉道皖北頓少一萬
餘人兵勢已弱且賊計賊勢定於七月西趨既已破
吳卽將犯楚應請

皇上諭飭兩江督臣曾國藩

並江西湖南各撫臣通力合作其籌兵餉若專意指
調湖北之兵則吳已失而楚必隨之武漢爲上游之
形勢荆襄爲南北之樞紐必保楚乃能謀吳此固不
易之局也尤可憂者潁州亳州蒙城一帶捻匪本年
三月十三日出巢擄掠河南之祥符陳畱杞縣蘭儀
尉氏洧川新鄭密縣禹州淮甯商水襄城臨潁項城
鹿邑柘城睢州汝陽正陽上蔡西平遂平確山汝州
魯山寶豐南召裕州葉縣舞陽三十州縣焚掠村莊
不取城池至閏三月杪飽載而歸所過之處無一兵
一卒與賊接戰任其縱橫不知去向勝保奏報擄塞

之詞欺謾之狀可覆按也夫 國以民爲元氣民以財爲元氣民財旣空 國計自損河南之生聚不完賊將轉顧而焚掠他省計近二年來每年春仲秋季兩次出巢大掠河南本年秋冬將及湖北之襄陽漢陽德安等府又必擾入陝西山東山西等省再一二年浸假而及於附畿州縣矣腹心之患此爲最大 臣聞賊騎近萬往來飄忽不僅袁甲二淮南之軍不能回顧北路卽勝保關保傅振邦等北路之兵當之輒靡斷難破滅此賊應請 皇上特簡知兵重臣於直隸山東地方擇地駐紮簡練馬兵萬人步兵一二

萬人不爲近防而布遠勢不期速效而勤遠謀必期
於一二年閒將潁亳一帶賊巢一律蕩平然後江淮
之後路無虞而中原之本實先固臣非僅爲襄陽漢
陽等府作自保之計爲憂危之詞也臣極知所言爲
越分特以臣今日言之已無救於河南臣再默而不
言則五省均將受害使臣言而不中則固北路五省
之福也狂愚之見伏乞 聖明鑒察謹繕具密摺

由驛馳 奏

代陳故巡撫死事及妻女姪婦殉難情形籲請

旌卹疏 五月初二日

竊臣等駐軍宿松英山距故浙江巡撫羅遵殿宿松住宅不遠據候選員外郎羅忠祐呈稱伊父殉難浙江業經杭州將軍奏奉

上諭浙江省城被陷六

日卽經克復巡撫羅遵殿及司道等於城陷後同時殉難深堪憫惻浙江巡撫羅遵殿官聲素好到浙後畱心吏治籌畫軍餉頗能實心任事著照巡撫例從優賜卹任內一切處分悉予開復應得卹典該衙門察例具奏以彰忠藎至該撫等死事情形仍著瑞昌王有齡詳細查明具奏等因欽此惟浙中未聞覆奏伊嫡母徐氏孀姊陳羅氏族孀嫂周氏同時殉難及

雇婦金梅氏家丁顧斌罵賊被戕亦未奉附案奏明
該員迎柩歸葬不及赴浙具呈就近稟請奏懇

旌卹等情前來臣查原稟本年二月十九日賊犯杭

城羅遵殿誓以死守諭家人願出城者各自爲計其
妻徐氏慷慨言曰君以死報國妾當同死孀女陳

羅氏嘗割股療母病至是泣跪曰未亡人八年不死
以親在耳今得從兩親地下何去爲先是羅遵殿有
族姪婦周氏苦節而貧挈以隨任是日亦誓死不去

二月二十七日賊用地雷轟城羅遵殿督戰被賊刃
傷左額墜馬親卒救之回署登時仰藥時徐氏及其

孀女已先仰藥未卽死見羅遵殿回署均解帶聯縵
自盡逾時賊至周氏及雇婦金梅氏家丁顧斌均罵
賊被害三月初三日杭州克復家丁朱榮等入署尋
獲遺骸面目如生其孀女猶以手挽母僵六日未仆
當稟請杭州將軍驗明以禮殯斂等語查故巡撫羅
遵殿由令牧海擢封圻官聲卓著久在 聖鑒之

中茲因城破殉節妻女及姪婦等皆從容就義忠烈
萃於一門且該故撫外任二十六年身後止薄田四
十畝土屋十餘間其清廉亦足爲數十年來疆吏之
冠業奉 恩旨優卹足慰忠魂惟伊妻徐氏孀女

陳羅氏族孀姪婦周氏視死如歸尤推義烈仰懇

皇上

恩施逾格

飭部照例

旌表仍

準於浙江死事地方及宿松本籍建立羅遵殿專祠
將其妻女姪婦配食并將雇婦金梅氏家丁顧斌一
體附祀以彰忠節而樹風聲所有據稟代陳各緣由
謹合詞恭摺具 奏

特參不守營規之現任游擊疏

五月初三日

竊軍政貴在謹嚴而首戒蕩佚楚軍之制日夜點名
三次勇丁日閒出營須請票登冊以備稽查日夜煩
勞治軍書不敢少休暇所以杜煙賭淫佚之痼弊而

思維持於不敗也茲查管帶霆後營儘先補用副將
現任湖南鎮溪營游擊勛勇巴圖魯段福入營帶勇
頗著戰功洊擢副將並蒙 賞加勇號亟應感激

思奮勉圖報稱近聞該將官迭次離營潛宿民房並
帶同勇丁清唱縱樂殊不足以表率士卒申嚴軍紀
據營務處戶部員外郎閻敬銘道員邢高魁轉據副
將宋國永先後揭參前來除將霆後營事務飭委參
將張玉田接管外相應從嚴參辦請 旨將儘先

副將湖南鎮溪營游擊段福降補守備以示懲儆而
觀後效謹合詞恭摺具 奏

謹案此疏於五月十八日接奉

旨準

請起復丁憂人員督辦皖屬入縣團練疏

五月

十七日

竊維軍興以來疊奉

諭旨飭令興辦民團奉行

不實功效罕著皆由州縣信民未深民不樂爲之用也皖省郡縣困苦流離團練不振八年冬季三河失利之後前任潛山縣知縣升用同知直隸州知州葉兆蘭蒞任甫經十日羣賊竄至隨卽激勵士民編立兆字五營鍋帳營壘與官軍同與散漫無紀之團練

迴異用是屢挫賊鋒協助官軍奪獲天堂克復潛太
兩城經臣等奏奉 恩旨獎勵在案現因該員葉

兆蘭回籍終制其原設潛山兆字五營仍飭該縣紳
民奉行勿廢惟是民風士習因官轉移若不隨時董
勸難期厯久不散兼以宿松望江太湖英山霍山并
懷甯桐城七縣地方密邇賊蹤戒備尙疏是潛山已
成之團旣恐日久弛懈七縣未備之處尤當先事綢
繆楚省以十府一州之民力供養皖江水陸勇丁長
夫五萬餘人之軍糈拮据萬狀支撐六年近月以來
兵力分於東征賊勢卽將西犯楚其旰食憂患方始

如能使各州縣均仿潛山辦法聯絡一氣互爲應援
庶足助軍威而分賊勢查丁憂回籍升用同知直隸
州知州葉兆蘭前在潛山僅帶童僕一人日食不過
費銀四五分勤苦自勵士民望如慈父母其得民實
績與明臣王守仁治贛南國朝于成龍治蘄黃約
畧相似實可挽回薄俗振起民風現經臣胡林翼札
飭葉兆蘭在湖南本籍召募桂陽東安等處久經戰
陣勇丁一千二百名飭令六月杪趕緊到皖以資防
剿該員辦事血誠無絲毫官場氣習相應仰懇

皇上天恩俯念皖邊緊要

飭諭該員葉兆蘭起

復馳赴皖省總辦八縣民團查安慶一府並無本省
道府州縣隨營辦事與壽州軍營音驛不通前署安
慶府李宗義隨臣曾國藩行營委署府篆因患病沈
重給假三月回籍調養如蒙天恩逾格用人特
加葉兆蘭升銜暫權道府則地方呼應較靈兵事民
事當有裨益臣等爲皖疆緊要急選邊材起見謹合
詞恭摺由驛具奏

上諭官文等奏皖屬團練緊要請簡員督辦一摺葉兆
蘭著卽起復署理安慶府知府總辦宿松等八縣團練
欽此五月二十六日奉

奏陳籌撥招募並軍情賊勢縷晰情形疏 五月

二十二日督發

竊查前奉迭次 諭旨飭令都興阿酌帶馬步四

五千人前往江北督辦軍務業將遵 旨籌辦情

形並都興阿由鄂起程日期恭摺馳 奏荷蒙

硃批覽奏已悉欽此又奉 諭旨飭曾國藩卽赴

兩江總督署任並統帶湖北各兵迅掃賊氛以副委

任欽此竊查湖北以全力謀皖本省分防營伍不滿

千人前於春閒竭力籌謀派撥知府蕭翰慶統帶六

千人分援浙江復經張芾改調徽州甯國池州常州

湖州又撤去韋志俊一軍零星調撥業已不復能軍
臬司蕭啟江本隸曾國藩部下由荊州甫抵成都卽
經病故又所分去兵勇已六千人曾國藩銜命
署理兩江部下兵力實薄若遽撤安慶之圍則皖北
全局震動適以長賊噉而墮軍心再四商推江南浙
江軍事決裂必應急謀拯救遂於安慶圍師中抽撥
總兵朱品隆等勇丁二千人及總兵鮑超霆字禮字
新舊各營勇丁七千人加以曾國藩宿松馬步勇丁
統計一萬餘人業於本月十五日渡江啟行其安慶
圍師仍交道員曾國荃統帶尙須添募以益兵力總

計鄂省勇丁除肅啟江六千人不應計算外本年頓
分一萬六千餘人雖經臣胡林翼分途趕緊召募新
勇未至舊隊先行彌縫補救實已竭蹶不遑都興阿
五月初三日到英山卽將各路地勢各營勇丁詳細
查考卽都興阿亦言安慶桐城潛山霍山英山等處
兵力實形單薄其漢陽黃州德安三府尤屬空虛無
備設使賊匪假道霍山六安之交乘閒內犯不過六
七日之程卽可繞入漢陽黃州德安腹地包襲安慶
桐城英霍之後路昔年賊救九江而從英霍商城上
犯麻城黃安本年圖解金陵之圍從甯國先犯浙江

並繞東壩陷溧陽溧水金壇以掣動大局往事已可
深鑒現準副都統多隆阿舒保前後咨稱前路馬隊
不敷防剿咨撥黑龍江九起黑龍江西丹頭起二起
臣胡林翼先行咨送撫標游擊周玉成等親兵二哨
統計馬步不滿千人都興阿自患腿疾不能騎馬行
走必須肩輿東去淮揚須從賊巢附近經過若僅此
兵力實非愛惜盡勞保全國體之義且於江北亦
無實濟都興阿於五年入楚北七年入皖北血戰經
營始得此尺寸之土地若使楚師盡行皖疆復委棄
於賊實非都興阿之心且皖北地方八年之久未覩

官軍威儀楚省新復之宿松太湖潛山等處六州縣
殘黎喘息未定每聞撤調兵勇則士民遮道號泣慘
不忍聞若以兵少餉竭棄此子遺之皖民而僅以保
境固圉爲心亦非臣等所忍出此都興阿足疾本來
全愈乘輿以行須人扶掖前在省城臣等卽囑其暫
行養息數旬並當據實陳奏都興阿力言不可在都
興阿因大局糜爛時事艱危勉從公深以再言病
狀爲怯退而臣等目擊其精力短絀衝鋒陷陣實恐
未能抽撥一空皖北先失勢又不可都興阿舊帶馬
隊必須步隊相輔而行今則副將看青雷正綰總

兵鮑超等既不能隨同以行余際昌三千三百人獨當英霍一路一搖足而山險盡失乘閒抵隙禍不旋踵若以零星隊伍雜湊成行都興阿卽能任調度之事亦不能勝整飭步隊之勞其精力已遜於前北人而管帶南勇風氣既異情偽難以盡知也五月初二初三等日楊載福彭玉麟督率水陸將安慶東路枞陽鎮僞城二座克復枞陽爲安慶之咽喉賊匪糧道必經之處且皖北逆首陳玉成及各賊目之妻孥蓄產盡在安慶城中譬之鬪者既搯其吭必伸手足以急求解救又如人近豺狼之窩巢則必轉而搏噬此

賊情賊勢之必然其來援必速分股必多固可翹足而待矣查湖北去冬今春兵力未分四眼狗陳玉成以十萬之賊西犯以救潛山太湖臣等與曾國藩合力圖謀血戰月餘屢瀕於危幸而勝之今則江東各路全軍破敗賊勢既無所顧忌牽綴必挾全力全勢悉數西犯以謀楚軍曾國藩既已渡江楚省春夏兩次陸續又分去勇丁一萬六千人臣胡林翼所新募各軍尙未趕到是楚北皖北之危迫情形不待智士而已知之矣都興阿以督辦軍務重寄非臣等所敢擅留惟細審兵勢賊勢及都興阿近日精力應請

皇上另簡大員馳往江北其會國藩所當安慶桐城後路已經空虛應以胡林翼兼行替管黃州德安漢陽北路空虛可否暫飭都興阿移入麻城孝感黃陂等縣養息病軀藉其聲威坐鎮或可補救萬一如本年援賊破敗新募成軍察看得力再行調遣再聞布政使薛煥現在揚州可否專委召募陸勇水師以保揚州鹽場及裏河產米各州縣吳楚皆澤國也以舟楫爲利水師一萬可抵步兵十萬應請 飭下督臣會國藩於淮安設大府選將募勇造船鑄礮另設水師專營奏請賢才破格錄用假以便宜淮安地

處上游江湖河海均可通行異日克復江甯蘇州常州各郡縣必以水師爲根本也其甯國太平等府之石曰湖南碭湖應另設水師一枝衢州杭州亦應設水師一枝勤遠謀而收實效惟水師得力則吳越可平曾國藩自咸豐三年創造水師管帶最久賢才既多功績甚大以此委任而責其成功事必有濟所有籌撥皖北步軍並派員前往湖南增募勇丁以資彌縫而備援剿軍情賊勢倍形艱鉅縷悉情形謹合詞小摺具 奏

會國藩奏抽撥兵勇起程渡江擬設三路水師

并湖北官兵不宜再調各摺片當降旨照議辦理茲據
官文等奏湖北撥派兵勇已多趕往湖南增募勇丁並
請另設水師專營等語與會國藩所籌適相符合會國
藩現已抽調兵勇萬人由宿松進駐祁門俟鮑超張運
蘭李元度到後卽由徽甯蕪湖廣信分路進兵並擬設
淮陽水師以保裏何及各場竈兼輔淮揚陸軍已令卽
日興辦其所請應設甯國水師與大江水師夾攻金陵
設太湖水師以規復蘇常因恐曠日持久勢難坐待只
可一面照議辦理一面相機進剿諒該署督自能體察
情形妥籌進取鄂省官軍調出已多漢黃德三府空虛

無備恐賊匪乘閒內犯繞入腹地包襲安慶桐城英霍
後路不可不防胡林翼已派員前往湖南增募勇丁著
俟新募各軍到後妥爲布置毋使逆匪得以伺其隙是
爲至要新授江蘇巡撫薛煥現在上海並未前赴揚州
江北統兵大員非李若珠所能勝任都興阿雖患腿疾
不能騎馬然該將軍久歷戎行曉暢兵機正可藉資調
度不必衝鋒陷陣親臨前敵著該大臣等仍遵前旨調
撥馬隊兵勇並籌備餉項派赴都興阿軍營以便該將
軍統帶起程前往江北督辦堵剿事宜毋稍遲誤將此
由六百里諭令知之欽此 五月二十九日奉

奏陳南岸軍需報銷疏

五月二十八日

竊照南岸軍需報銷自咸豐五年正月起到六年十二月三十日止已將收支各項銀米截清總散數日分別造冊詳經臣於九年十月十四日恭疏題銷並聲明應存銀米歸入第二起作為舊管接續造報各在案茲據總理報銷局前湖北布政使莊受祺新補湖南岳常澧道厲雲官候選道恩祥詳稱自五年正月起到六年十二月底止初案添製器械並各糧臺站夫長夫及受傷陣亡員弁勇丁卹養等項其用過銀五十四萬四千二百八十七兩六錢八分九釐

二毫七絲三微本色米一千七百七十石四斗九升
六合三勺除前報應存銀四十八萬三千四百三十
五兩三錢九分五釐全數支給外尙不敷銀六萬八
百五十二兩二錢九分四釐二毫七絲三微係應找
製造採辦各項價值隨於七年分餉項內如數找訖
歸於七年續案彙報合將添製軍火器械各款支過
銀米列爲初案二起造具簡明總散各冊繪具紮營
安設糧臺圖說詳資前來臣覆加確核均係遵照例
案實用實銷委無絲毫浮冒應請準銷除另恭疏
題報並將冊圖揭送部科外理合恭摺具奏

殊批戶部敷議具奏欽此

胡文忠公遺集卷三十七終

胡文忠公遺集卷三十七終

奏疏

七

胡文忠公遺集卷三十八

長沙鄭敦謹

編輯

湘鄉曾國荃

遵

旨復奏川粵軍務疏

十年六月二十日

咸豐十年六月十三日準軍機大臣字寄咸豐十年
六月初五日奉 上諭曾望顏奏石逆疊擾黔省

逼近川疆一招粵逆石達開由紅水江竄入黔省分
股攻陷永甯廣順等州勢甚猖獗川東一帶與黔省
地方在在毗連若由黔入川更恐滋蔓難圖前調蕭
啟江一軍赴川本爲防剿石逆而設嗣蕭啟江抵川

病故楚軍統領乏人曾諭令官文等於湖南湖北兩省中揀派得力大員前往管帶此時如已揀派有人著卽飭令迅赴川省以資攻剿左宗棠現在襄辦曾國藩軍務前有旨令官文等妥速籌商該員是否能獨當一面令其赴川督辦軍務昨據曾國藩奏該員在楚南募勇隨同剿賊亦恐不能卽往蜀中此時川省軍務毫無起色滇匪旣不能除石逆又將竄擾該省據兩湖上游設或糜爛楚省亦有西顧之憂曾望顏本不得力曹澍鍾業已撤回此外並無熟悉軍務之員在彼督辦深爲可慮左宗棠前在湖南襄辦軍

務尙爲石逆所畏若令督辦川省軍務能否勝任仍著官文等迅速具奏再降諭旨將此由六百里各諭令知之欽此仰見

聖謨廣運先機籌謀莫名欽感竊思四川富庶之區爲西南根本重地兩湖陝西尤爲切近之憂首逆石達開久蓄奸謀由黔入蜀狡焉思逞其鋒必銳誠不可無重望宿將整飭戎政力圖補救惟思帶勇與帶兵不同勇丁非自募自帶則約束難嚴左宗棠前在湖南僅司籌謀布置之事並未親歷行閒於蕭啟江原部勇丁情志不孚難期得力若令左宗棠獨當一面督辦川省軍務必難收速

效本年四月欽奉

恩旨左宗棠襄辦會國藩軍

務在湖南新募勇丁四營四總哨尙未訓練成軍前

奉五月十一日

上諭詢問該員能否督辦四川

軍務

臣

等往返函商會國藩渡江僅帶朱品隆所部

三千人並湖北所撥鮑超等勇丁七千人如欲分謀

池太兼顧江西揚州必須厚集兵力乃能布遠勢而

操勝算探聞江蘇之賊近已回屯蕪湖和州兩岸是

欲窺伺湖北江西爲西犯之謀會國藩一軍亦嫌力

單左宗棠以新練之軍隨同會國藩合力謀吳實有

裨益業經會國藩會銜覆奏在案此

臣

體察左宗棠

於襄辦江皖軍營尙堪有濟而督辦四川軍務難以
勝任之實在情形也臣等前悉蕭啟江抵川病故之
信因查有蕭軍原帶之都司彭惠信知府銜候選同
知直隸州王沐隨營辦事最久爲眾勇所悅服業經
飛咨四川飭令分起管帶俾有鈐束而資勦辦特是
石逆死黨既多且悍卽如九年春間該逆竄擾湖南
經南撫臣調募勇丁五萬餘又繼以湖北派援之李
續宜德海陳金鼇等水陸馬步萬人又曾國藩派援
之蕭啟江張運蘭等步勇八千人始能阻遏逆謀解
寶慶之圍破走兇醜是石逆之狡悍斷非蕭軍萬餘

人所制伏現在蜀疆岌岌滇匪竊發勢已不支石
逆竄入更形決裂且聞石逆志在入川以犯荆襄計
尤狡毒四川關係西南安危不僅兩湖先受其害誠
如 聖諭無熟悉軍務之員在彼督辦深爲可慮

臣胡林翼五月初三日密疏請以粵西撫

臣

劉長佑

辦理四川軍務查劉長佑自隨前任安徽撫

臣

江忠

源轉戰粵西湖北安徽江西等省久於行陣於咸豐

六年七年八年專討江西石達開一股戰功尤著石

逆頗畏其鋒其軍旅之才忠良之節久在 聖明

洞鑒 臣聞其舊部李明惠劉坤一江忠義席寶田等

皆堪分任軍旅可一面先行馳援重慶等處一面在
湖南增募二三萬人若令劉長佑由開道出西陽秀
山兼程進保重慶取徑最捷保全甚大如慮石逆先
期已竄入蜀中或改道荆宜速保夔州尙可補救於
萬一其彭忠信王沐所帶勇丁曾與劉長佑同事應
請歸其節制粵西雖係邊疆緊要而實無財賦可籌
倘得保全蜀疆則西南完善各疆宇益臻鞏固尙可
養成勁軍爲越境平賊之計且聞粵西司道辦事亦
尙有人大股窺伺蜀疆則粵西餘匪易於整理臣等
爲西疆喫緊軍旅需才起見既有所知不敢不據實

直陳至如何位置非臣下所敢妄干其輕重緩急之
閒 聖主自有權衡顧懇 宸衷默斷 飭

下粵以湖南撫臣迅速籌度裹糧束甲兼程前往乃

可先事補救謹先就臣等愚慮所及敬陳梗概容與

兩江督臣曾國藩湖南撫臣駱秉章隨時會商再行

復 奏

上諭前因四川軍務緊要擬令左宗棠前往督辦當諭官
文胡林翼將該員能否勝任迅速具奏茲據奏稱左宗
棠督辦川省軍務難收速效若令劉長佑由西秀進保
重慶取徑甚捷保全甚大等語左宗棠既不能獨當一

函卽毋庸赴川仍襄辦會國藩軍務廣西省現在防剿
正當喫緊劉長佑未便遽離該省湖南地方尙稱安靜
著駱秉章卽馳赴四川督辦軍務該撫於湖南紳士素
爲熟悉擇其曉暢軍務者酌量帶往並添募湖南練勇
以資勦辦湖北軍營中曾經戰陣得力之員籍隸湖南
者亦不乏人著官文胡林翼酌派數員交駱秉章差委
石達開窺伺川邊滇匪尙未撲滅其勢岌岌可虞東純
現署川督未諳軍旅該撫務卽迅速起程由便道入川
毋稍延誤蕭啟江所帶之勇據官文等奏已咨令都司
彭忠信候選同知直隸州王沐分起管帶此項勇丁及

四川省兵勇均歸該撫調遣以冀迅掃賊氛賂秉章出省
後湖南巡撫著文格暫行署理將此由六百里各諭令
知之欽此 七月初四日奉軍機字寄

遵

旨覆奏皖北馬步兵勇無可調撥疏六

月二十七日督發

竊臣等前於咸豐十年五月二十二日曾以籌撥皖
北步軍交兩江總督曾國藩並派員前往湖南增募
勇丁以資彌縫而備援剿軍情賊勢倍形艱鉅情形
縷悉會 奏於六月初八日準軍機大臣字寄咸豐
十年五月二十九日奉 上諭前據曾國藩奏摺

撥兵勇起程渡江擬設三路水師並湖北官兵不宜
再調各摺片當降旨照議辦理茲據官文等奏湖北
撥派兵勇已多趕往湖南增募勇丁並請另設水師
專營等語與會國藩所籌適相符合鄂省官軍調出
已多漢黃德三府空虛無備恐賊匪乘閒內犯繞入
腹地包襲安慶桐城英霍後路不可不防胡林翼已
派員前往湖南增募勇丁著俟新募各軍到後妥爲
布置毋使逆匪得以伺其隙是爲至要新授江蘇巡
撫薛煥現在上海並未前赴揚州江北統兵大員非
李若珠所能勝任都興阿雖患腿疾不能騎馬然該

將軍久歷戎行曉暢兵機正可藉資調度不必衝鋒陷陣親臨前敵著該大臣等仍遵前旨調撥馬隊兵勇並籌備餉項派赴都興阿軍營以便該將軍統帶起程前往江北督辦堵剿事宜毋稍遲誤將此由六百里諭令知之欽此欽遵隨準都興阿恭錄

廷

旨咨催調撥前來臣等查湖北征皖各軍現在分途攻剿多隆阿舒保分爲兩路每營馬隊不過千名其中尙有不得力者除已撥給都興阿二百九十餘名外爲數無多外謀皖境內顧楚疆實在萬分單薄不敷策應何能再行抽撥至湖北步軍均係湖南勇丁

勇與兵異非自行招募則將與勇不習難期得力且
皖北楚軍除蕭啟江六千人派援四川不計外蕭翰
慶之援浙曾國藩之謀吳總計鄂省勇丁本年頓分
去一萬六千餘人兵勇分布實形不足更難分撥雖
經臣胡林翼另行派員回南招募新勇總須八九月
後乃能到防安慶桐城潛山英山霍山等處兵力實
虞單弱其漢陽黃州德安三府尤屬空虛無備現據
各路探報賊首偽輔王楊逆率大股賊眾四萬餘人
循南岸而上意在過江抄我兵之後賊目偽寶天義
偽則天義偽秉天安等率眾二萬餘人已至和州四

眼狗陳玉成已至廬江該逆等妻孥蓄產盡在安慶城中勢將剋日分股來援爲多方誤我亟肄疲我之計是楚北皖北之情形萬分危迫且據蜀中探報首逆石達開現已由粵西竄黔攻陷廣順州城將謀五路犯蜀四川滇匪尙肆何堪更有石逆之擾萬一川省有警則湖北居其下游荆宜一帶尤須防守現在已屬乏兵安得更行分撥此湖北馬步兵勇萬難籌撥之實在情形也都興阿雖腿疾尙未痊愈而帶兵多年誠如 聖諭該將軍久歷戎行曉暢兵機正可藉資調度不必衝鋒陷陣親臨前敵自應趕緊馳

赴揚州督辦堵剿毋得藉詞延宕聞揚州舊有馬隊
約二千人都興阿到揚州後即可 奏明歸該將軍
統帶是馬隊一項可毋慮其乏人調遣而李若珠所
帶步隊各營亦盡歸其節制堵剿均可兼資如必欲
攜帶步隊前往或由該將軍自行委員招募一二千
人以資調度應手湖北當攻守喫緊之時兵力單弱
疆事孔亟實在不能籌撥致貽上游全楚之患除咨
覆都興阿外所有軍情賊勢萬分緊急皖北馬步兵
勇實在無可調撥緣由謹合詞恭摺具 奏

休批覽近又有寄諭仍飭籌撥官文等自應懍遵該將軍

雖不甚習於步隊已有旨飭令另派大員隨同都興阿
管帶欽此七月十一日奉

請優卹援湖陣亡之道員並聲明浙皖奏報兩

歧緣由疏

七月初四日督發

竊據廣東惠潮嘉道彭玉麟稟稱前由楚軍調撥鹽
運使街道員蕭翰慶帶領親兵先鋒及訓字各營由
皖南赴援常州行至中途因長興失守湖州被圍卽
趕至湖郡救援四月十九日至禮義橋逆匪於村中
忽出大隊我軍見水路紛歧遂截橋而戰各營奮勇
爭先殺賊約四五百人當欲乘勝進剿因天色已晚

大雨如注兵勇鏖戰半日疲憊已極乃草紮行營於桑田麥地不能支棚營哨兵勇皆竟夜持仗立風雨中二十日黎明蕭翰慶派訓字前左中後四營爲前部右副兩營爲後部親督先鋒親兵兩營居中行未及二十里遇大股逆匪兜圍我軍且戰且進至離湖郡二十里之同心橋該逆愈來愈眾橫出包截四面夾抄卽派副前參將吳修攷訓後營游擊鄧茂先分途迎敵親督先鋒營守備銜千總李楚材親兵哨領都司李斌彪等奮勇抵禦並趕調前部之訓字四營回救而訓左都司唐敏興返戰已爲賊敗參將吳修

攻游擊鄧茂先均血戰陣亡兵勇潰退李楚材帶數十騎衝圍往救而該逆包裹愈厚鎗礮如雨道員蕭翰慶圍在核心不能衝出重圍力戰而死都司李斌彪千總朱佳文通判楊再權縣丞龍翔均同時陣亡其李楚材及親兵哨領幫辦各員俱被賊衝散當晚至湖州城下收集三千餘人奮勉殺賊立解城圍等情由蕭翰慶之姪藍翎候選府經歷蕭光藻等報經該道稟請具 奏前來臣等接閱之下悲憤難名伏查鹽運使銜道員蕭翰慶器宇宏深勇敢有爲自咸豐三年冬隨彭玉麟水師由湖南轉戰湖北每仗爭

先堅險不避四年夏攻克岳州秋間克復鄂省均身受重傷嗣調赴江西水營上年復回援湖南戰功懋著所向克捷此次派帶訓導等軍六千餘人赴援浙省迨畱徽防剿五日內連克石太兩城旋奉 諭

旨進攻池州正冀其督師前來水陸相依詎馳援湖郡以數千飢疲之眾當大股兇悍之賊竟在湖州同心橋地方力戰陣亡其營官副將銜儘先補用參將吳修攷副將銜儘先補用游擊鄧茂先都司李斌彪千總朱佳文通判楊再權縣丞龍翔均同時陣亡實堪憫惻查現準浙江撫 臣 咨已將蕭翰慶 奏請交

部照三品陣亡例優卹復接準督辦皖南軍務張芾咨 奏奉 上諭蕭翰慶以道銜儘先知府議卹

吳修攷以游擊鄧茂先以都司議卹是蕭翰慶一員已與浙江撫臣奏報兩歧且本年克復太湖保獎案內吳修攷已加保副將銜儘先參將鄧茂先加保副將銜儘先游擊該二員保升奉 旨在前陣亡在後自應照升銜請卹合無仰懇 天恩俯準將陣

亡道員蕭翰慶仍照三品陣亡例優卹並準在原籍及死事地方建立專祠以昭忠靈吳修攷鄧茂先均照副將例優卹都司李斌彪千總朱佳文通判楊再

權縣丞龍翔一併交部從優議卹以慰忠魂除受傷陣亡各營官哨勇俟查明再行辦理外謹合詞恭摺具奏

上諭前據張芾奏徽州援浙之軍在途接仗道員蕭翰慶與游擊吳修攻都司鄧茂先力戰陣亡當經降旨一併交部從優議卹復據瑞昌王有齡奏蕭翰慶統領楚軍援浙陣亡並準其在原籍及死事地方建立專祠茲據官文胡林翼奏蕭翰慶等赴援湖州陣亡懇恩優卹一摺蕭翰慶由皖南赴援湖州派吳修攻等分途迎敵同時血戰捐軀深堪憫惜道員蕭翰慶著加恩照三品陣

亡例從優議卹仍在原籍及死事地方建立專祠吳修
攷鄧茂先已保副將銜均著照副將例從優議卹都司
李斌彪千總朱佳文通判楊再權縣丞龍翔均著一併
從優議卹以慰忠魂該部知道欽此 七月十一日奉

揀員補知縣要缺疏

七月二十八日

竊照漢陽縣知縣馬晉圖升補隨州奉準部覆聲明
所遺漢陽縣要缺行令另行揀員請補等因坐九年
十二月十一日行文按照限減半應叩歸十年正月
分截缺查州縣應調缺出無合例堪調之員例應以
候補正途人員題補茲查漢陽縣係衝繁疲難四項

最要缺附郭首邑濱臨大江兼之漢鎮地方五方雜處商賈輻輳兵燹之後撫綏巡防在在均關緊要必須精明幹練爲守兼優之員方足以資治理臣等遵於通省現任知縣內逐加遴選非現居要地卽人地不甚相宜一時實無合例堪調之員惟查有現署江陵縣不論繁簡遇缺卽補知縣張建基年五十三歲順天永清縣人由廩生中式道光庚子

恩科舉

人辛丑

恩科會試中式進士引

見奉

旨以知縣卽用分發湖北二十四年到省題補東湖縣知縣因前署蒲圻縣任內接遞公文遲誤奉議

降一級調用咸豐四年十二月在捐餉局捐復原官
六年正月選授江西永豐縣知縣因病請假開缺九
年 奏調來楚差委四月到省委署東湖縣旋奉委
署江陵縣事十年於續查楚軍征皖夾擊粵捻賊匪
并克復太湖潛山案內經臣等保 奏於四月初八
日奉 旨坐選江西永豐縣知縣張建基著免其
坐選原缺以知縣畱於湖北不論繁簡遇缺卽補並
賞加同知銜欽此該員張建基明白端方有爲有守
勤政愛民厯著循猷以之請補漢陽縣知縣要缺洵
堪勝任雖出缺在前該員 奏畱在後與例稍有未

符惟查該員自辛丑卽用知縣分發來楚曾補東湖
因公降調連初次到楚前後合算資格甚深邀免捐
繳歷俸銀兩且該縣地方疊遭淪陷治理需才未便
拘泥成例致滋貽誤又江陵縣知縣周樂於咸豐八
年捐請離任以知府候選應歸是年十二月分截缺
係衝繁疲難最要缺例應於現任人員中揀選調補
前經臣等以崇陽縣知縣蔣照奏調接奉部覆以
該員歷俸未滿三年並未遵例捐免亦未出其考語
與請調之例不符自應遵照揀員另調惟江陵縣係
兼四要缺地廣賦繁民情刁玩且爲川江下游提務

團防在在均關緊要非精明練達之員難資治理臣
等於通省實缺知縣內逐加遴選查有宜都縣知縣
徐有季浙江烏程縣人年五十二歲由監生中式道
光戊子科順天鄉試舉人就職教諭改捐訓導二十
二年選授臨海縣訓導俸滿保薦三十年五月由吏
部帶領引見奉旨以知縣用咸豐三年奉

旨督辦本籍團練捐輸事宜旋以勸捐出力經
前浙江撫臣保奏奉旨賞加知州銜八年正

月分選授今職是年五月二十九日到任該員徐有
季穩練精細爲守兼優治宜兩載卓有循聲以之請

調江陵縣知縣要缺洵堪勝任雖歷俸未滿三年已據遵例捐免所捐銀兩如數上庫任內亦無降調處分核與調補之例相符又監利縣知縣牟嗣龍升補荆門直隸州接準部覆聲明所遺監利縣要缺行令另行揀員請補等因坐九年十二月十一日行文按照限減半應卽歸十年正月分截缺查州縣應調缺出無合例堪調之員例應以候補正途人員題補茲查監利縣係繁疲難要缺地闊賦繁且有隄工重務於兼三要缺中最爲難治之區非精明練達之員不克勝任臣等遵於通省實缺知縣內逐加遴選並無

合例堪調之員查有即用知縣查子庚年三十五歲
安徽懷甯縣人由廩生中式咸豐辛亥恩科本
省鄉試舉人己未科會試中式進士引見奉

旨以知縣分發即用簽掣湖北於九年十二月初
四日到省該員查子庚年壯才明質懇穩厚以之請
補監利縣知縣要缺洵堪勝任據藩司嚴樹森臬司
唐訓方會詳前來臣等往返函商酌核員缺均屬相
宜合無仰懇天恩俯念員缺緊要準將漢陽縣

一缺以不論繁簡遇缺即補知縣張建基補授江陵
縣一缺以宜都縣知縣徐有季調補監利縣一缺以

卽用知縣查子庚補授俾資治理如蒙 俞允各
該員等均係遇缺卽補現任卽用知縣請補請調知
縣銜缺相當毋庸送部引 見所遺宜都縣簡缺
楚省現有應補人員請俟接準部覆後另行擬員請
補合併聲明所有揀員請補調補知縣要缺各緣由
謹合詞恭摺具 奏

硃批吏部議奏欽此

擬員奉駁遵例捐繳厯俸銀兩仍請依擬調補
疏 七月二十八日

竊照江夏縣知縣要缺前經 臣等以蒲圻縣知縣夏

錫麒 奏調按奉部議以該員歷俸未滿三年按照
籌餉例係不在例準聲明之列既未遵例報捐核與
調補之例不符仍令照例另揀合例人員調補等因
於咸豐十年二月初一日奉 旨依議欽此欽遵

飭行在案查江夏縣知縣係附郭首邑爲全省州縣
領袖催科撫字均關緊要且時有發審案件非精明
幹練之員不足以資治理 臣等在於通省實任知縣
內覆加遴選非現居要地卽人地不甚相宜實無合
例堪調之員查該員夏錫麒浙江進士由卽用知縣
奏補蒲圻縣知縣咸豐八年十月二十八日到任

自上年委署首邑以來愛民勤政輿論翕然撫字催
科均資得力吏治日有起色且本任蒲圻曾署通城
所到之處官聲皆好以之調補江夏縣知縣實堪勝
任惟歷俸未滿三年與例稍有未符現已遵例捐免
所捐銀兩於咸豐十年六月十八日上庫除另行造
冊咨部外據藩司嚴樹森臬司唐訓方會詳前來臣
等覆加查核該員夏錫麒識卓才明辦事結實合無
仰懇 天恩俯念員缺緊要 敕部將江夏縣
知縣一缺仍準以蒲圻縣知縣夏錫麒調補實於首
縣吏治有裨如蒙 俞允所遺蒲圻縣知縣員缺

湖北省現有應補人員容另照例請補合併陳明謹
合詞恭摺具奏

硃批吏部議奏欽此

擬請減成收捐以濟軍食疏

八月十九日

竊惟用兵必先籌饟裕饟仍須便民湖北征皖水陸
馬步六萬餘人並製造採辦轉運卹賞月需銀四十
餘萬兩臣頻年以來專治田賦用佐軍儲嚴核課釐
力杜中飽兼有部撥鄰餉隨時接濟酌盈劑虛稍資
補救查鄂省歲入錢糧不滿百萬向不足供一歲額
支之用近年辦理漕折亦僅足供征餉月餘之需自

去冬蜀中賊擾井竈被焚上游鹽課已形短絀今歲杭垣疊警蘇常失陷商賈不前釐金頓減復值夏汛江水漲溢荆宜漢沔俱成澤國被水情形爲近數十年所未有下忙地丁秋後漕折作何徵收尙無把握現委員確勘分別蠲緩計今年入款不過往歲十之二三以致前敵欠餉積至四月有餘而例外所增出款前以肅啟江援蜀肅翰慶援浙由鄂襄糧協濟已苦拮据近以兩江督臣曾國藩移師徽州疊奉諭旨撥兵濟餉又須添募勇丁以補缺額兵數日增餉項目絀皖省水陸兩岸各軍虧欠餉數已積至一

百六十餘萬兩卽遵部撥督臣曾國藩之餉亦積欠
二十餘萬兩本省旂綠各營額支坐餉積欠數年尙
不在此數內似此情形深虞飢潰更值水災米價昂
長征勇乏糧約一歲之內出倍曩時而入減大半臣
日夜籌思寢饋難安幾將束手因與督臣官文往返
函商並督同藩司嚴樹森及糧臺司道悉心區畫惟
有於捐例稍事變通以期補救查七年春閒臣奏準
湖北捐米一石連折耗運費準作銀三兩四錢仍照
戶部通行捐案減二成及遞減四成核算並未議請
再減近年鄰省捐例屢改如豫中折算錢鈔皖省專

收餉票江西軍火銀錢兼收並納且皆屢議減成較
京捐尙爲省價夫避重就輕人之常情從前湖北搜
括各項尙可勉強支持臣亦何敢爲減捐之請上煩
聖慮惟刻下征餉坐糧內外交迫無可設法勢
處萬難欲廣爲勸捐小民又以鄰省捐價藉口或先
赴鄰封以賤價捐領執照巧避本省捐輸以致鄂中
捐者寥寥若不改革斷難期其踴躍合無仰懇

皇上天恩俯念湖北艱苦情形準令紳民凡捐實職
虛銜照籌餉例統減四成核算升銜加級各項向減
四成者準再遞減二成於水陸通區設局收米捐米

一石加耗米一斗五升運腳銀三錢五分準作捐例
銀五兩各就捐局附近地方運赴軍營及旂綠各營
並被水災區應用其有陸路遙遠運米維艱者準交
折色每米一石連折耗運費兌交庫平足銀二兩五
錢其飯銀照費仍照例交納均以庫平實銀上兌概
不準搭交錢鈔餉票等項以防過減有礙京捐核較
皖豫各省實在捐價尙多增加定限兩箇月一卯截
數 奏報其應歸京師捐銅局收捐各条並補交四
成實銀者湖北仍不準收以裕京餉並請 旨敕
下戶部迅速由驛頒發空白各樣職銜照各二千張

封典照一千張貢生照一千張監生照五千張從九
職銜照五千張花翎照一百張藍翎照三百張以便
隨時填發臣因皖軍餉項異常支絀於時窮勢迫之
中爲此無可如何之計籲求 聖主恩施逾格俾
捐生樂於輸將餉糈或資接濟謹會同湖廣總督臣
官文恭摺附驛馳 奏

硃批戶部速議具奏欽此

陳報江北馬步軍啟程日期疏 八月十九日

於八月十四日承準軍機大臣字寄咸豐十年八
月初四日奉 上諭前因江北防務緊要楚軍未

能分撥諭令官文胡林翼調派馬步兵勇千名交都
興阿統帶起程前往江北到防以後於淮徐等屬拙
練勇丁藉資防勦茲據李若珠奏金陵逆匪現在製
造礮船並擄取船隻意圖北竄其由丹徒小河口等
處出竄賊匪雖經各艇船將弁先後擊退惟艇師單
薄急盼上游援師等語現在會秉忠所帶之長龍船
全數派往援滬下游各起艇師爲數無多設金陵之
逆擄船下竄丹陽等處再有逆眾橫趨江北一帶更
形喫重著官文胡林翼迅將前調馬步兵勇千名挑
選精壯配齊軍裝器械由都興阿統帶迅赴江北方

籌堵剿至以楚師營制訓練淮徐勇丁實爲現在切要之圖著都興阿仍遵前旨與曾國藩會商趕緊辦理以冀練成勁旅正寄諭閒據都興阿奏楚勇未能遠征擬調吉林馬隊一起及現有馬隊已咨行官文胡林翼催調等語著官文胡林翼迅將此項馬隊卽飭前往都興阿軍營以便該將軍卽日統帶起程馳赴江北認真剿辦保全完善之區是爲至要等因欽此

臣查都興阿奉

命督辦揚州軍務

臣因本年

春夏迭次分去勇丁萬六千人舊隊已行新募未至遲至七月十八日始行撥定步軍二千六百人咨送

都興阿行營旋準都興阿以楚軍楚餉難於籌撥等情咨請止撥步隊前來在都興阿祇因餉項艱難自四月至於七月積欠未償而由英霍六壽以抵淮揚又須籌備二月行糧恐因籌餉而誤行程故有停止步隊之議臣思鄂省非苦兵將之難籌實因餉糈之久竭除馬隊各起先經多隆阿舒保分派外臣等力爲設措現仍選派臣標游擊李曙堂管帶選鋒親兵五百人千總胡世英管帶英字營五百人並臣標左哨游擊銜都司周玉成管帶親兵百人共計步隊勇丁一千一百人聊護行程稍壯聲威至江北防剿尙

須督臣曾國藩另行選將募勇乃能足用現在清理
四箇月積欠並攜帶八月九月行糧都興阿已定期
八月十九日啟程由英山霍山六安壽州取道前往
再臣於英山霍山潛山等處因山設險修築礮卡山
勢袤斜三百里一律成工當可稍節兵力鞏固民心
臣擬俟都興阿啟程後酌移黃梅宿松之間與桐城
潛山等處程途切近軍報較爲迅速合併附陳理合
會同督臣官文五百里由驛馳奏

胡文忠公遺集卷三十八終